

後村集卷之五十四

詩話

韓愈古賦云一邑之水可走而違天下湯湯曷其而歸五言云晴雲如擘絮新月似磨鎌和席八十二韻云多情懷酒伴餘事作詩人秋懷云犀首空好飲廉頗尚能飯又云歛退就新懦趨營悼前猛又云有如乘風舡一縱不可纜哭揚丘曹凝陸歛州參云人皆期七十總半豈蹉跎數出知己淚自然白髮多晨興為誰慟還坐久滂沱論文與晤語已矣兩如何送石處士云長把種樹書人云避世士忽騎將軍馬自號

報恩子風雲入壯懷泉石別幽耳鉅鹿師欲老常山  
險尤恃豈惟彼相憂固是吾徒耻去去事方急酒行  
可以起岐山下云丹穴五色羽其名爲鳳皇昔周有  
盛德此鳥鳴高崗和聲隨祥風窈窕相飄揚聞者亦  
何事但知時俗康自泛姬旦死千載闕其光吾君亦  
勤理遲尔一來翔路傍埃云堆堆路傍埃一雙復一  
隻迎我出秦關送我入楚澤千以高山遮萬以遠水  
隔何當迎送歸緣路高歷歷雜詩云朝蠅不須驅暮  
蚊不可拍得時能幾時與汝恣啖昨涼風九月到掃  
不見蹤跡送仕云居閑食不足送仕力難任兩事皆

害性一生怕苦心黃昏歸私室惆悵起嘆音棄置人  
間世古來非獨今醉贈張祕書云君詩多態度藹藹  
春空雲東野動驚俗天葩吐奇芬張籍學古淡軒昂  
避雞群又云長安衆富兒盤饌羅羶葷不解文字飲  
惟能醉紅裙贈惠師云佛法入中國尔來六百年齊  
民逃賦役高士着幽禪韓公稱士友雖李翱混籍不  
過三數篇或發子記序書尺惟與僧詩多四十餘韻  
或三四十韻其間多謹浪笑傲之語而緇流不悟往  
往欲附名集中以爲崇寵可發千載一笑薦士云有  
窮者蓋郊受材實雄鷲冥現洞古今象外逐幽好橫

空盤硬語安帖力排泉教柔肆紆餘奮猛卷海潦崇  
華宵天秀捷疾愈響報行身踐規矩甘辱耻媚竈孟  
軻分邪正眸子看瞭眈杳然粹而精可以鎮浮躁魯  
侯國至小廟鼎尤納部幸當擇珉玉寧有棄珪瑀此  
篇四十韻錄十韻于此孟東野失子云失子將何尤  
吾將上充天汝實主下人與奪一何偏彼于汝何有  
乃令蕃且延此獨何罪辜主死旬日間上呼無時聞  
滴地淚到泉地祇為之悲縮久不安乃呼大灵龜騎  
雲歎天門問天主下人薄厚剖不均天曰天地人由  
來不相關吾懸日與月吾繫星與辰日月相噬齧星

星辰暗而顛吾不汝之罪知非汝由緣且物各有分  
孰能使之然有子與無子禍福未可原魚子滿母腹  
一一欲誰憐細腰不自乳舉族長狐懸鳩臬啄母腦  
女死子始蕃蝮蛇生子時圻裂腸與肝好子雖云好  
未還恩與勤慈子不可說鷓臬蝮蛇然有子且勿喜  
無子固勿嘆上聖不待教賢聞語而遷下愚聞語感  
雖教無由悛大灵頓頭受即日以命還地祇謂大灵  
女往告其人東野夜得夢有夫玄衣中闕然入其戶  
三稱天之言再拜謝玄天收悲以欢忻此篇甚奇古  
非樊宗師靈全輩所能道寄崔立之云傲兀坐試席

後亦集  
卷之十四  
三  
深業見孤竊四座各低面不敢換眼窺升階揖侍郎  
歸舍日未歇佳句喧衆口考官敢瑕疵老婦願嫁女  
不約論財背老翁不量分索月管其兒歡華不滿眼  
咎青塞兩儀寄崔立之五十餘韻其述崔丞場屋才  
敏舉人之所喜誦押寬韻易押險韻難寬韻雖累至  
百有甚工緻孟先生云孟生江海士古蹟又古心騎  
驢到京國欲和薰風琴豈識天子居九重鬱沈沈一  
門百夫守無籍不可尋誰憐松桂性競愛桃李陰願  
我多慷慨窮簷時見臨清甯靜相對髮白聆苦吟荅  
孟郊云朝餐動及午夜諷怕至卯齒落云語訛默固

好嚼廢軟還羨余晚喪明歐陽公權秘書功余閉目  
勿視援此二句頗有義味病中贈張十八云夜闌繼  
裨闔哆口踈眉虺勢倂高陽翁坐約齊橫降卷灑吏  
篇不以風土之惡弱黷魚之暴橫為憂而一篇三致  
意負罪引慝于身而無一語歸怨于上惟韓杜二公  
為然馮鳥詩舊注為佛老二氏作內云天公怪兩鳥  
各捉一處囚若將火其書廬其居人其人矣然未云  
還當三千秋更起鳴相酬則二氏其陷溺人心深矣  
猛虎行云猛虎雖云惡亦各有匹儕群行深谷間百  
獸望風低身食黃熊父子食赤豹麋擇肉于熊羆肯

視兔與狸正畫當谷眠眼有百步威自矜無當對氣  
性縱以乖朝怒殺其子暮遂食其妃匹儕四散走猛  
虎還狐棲狐鳴門四旁出逐猴入居烏鵲送梁之虎  
不知所歸誰云猛虎惡中路正悲啼豹來銜其尾熊  
來攫其頤猛虎死不辭但慙前所為虎叱無助死况  
知汝細微故當結以信親當結以私親故且不保人  
誰信汝為韓杜二公五言有至百韻者但韓喜押窄  
韻杜喜押寬韻以余觀之窄韻尤難如義魚詩押三  
蕭字十八韻語多警策精衛銜石填海云何慙刺客  
傳不著報讎名李員外寄紙筆云兔尖針莫並繭淨

雪難如晚泊江口云二女竹上淚狐臣水底冤順宗  
皇后挽歌詞鳳飛終不返劍化合相送送鄭尚書赴  
南海云蓋海旂幢出連天觀閣開衙時龍戶集上日  
馬人未風靜鷄鷓去官廉蚌蛤回退之五言云曾經  
聖人手議論安敢剋然石鼓歌云陋儒編詩不收入  
二雅褊迫無委蛇孔子西行不到秦倚撫星宿遺義  
娥秀才家無頭腦如此贈侯喜云暫動還休未可期  
蝦行蛭渡似皆疑舉竿引線忽有得一寸終分鱗與  
鬚君欲釣魚須遠去大魚豈肯居沮洳記夢詩注家  
以為公左遷右庶子作時李逢吉當國公有和侯喜

簡詩二十六韻用事託意信如注家所言贈崔群云  
何人有酒身無事誰家多竹門可欵記夢云夜夢神  
官與我言羅縷道妙角與根我聽其言未云足捨我  
先度橫山腹側身上視谿谷盲杖撞玉版聲彭觥神  
官見我開顏笑前對一人壯非少壯非少者哦七言  
六字常語一字難我以指撮白玉丹行且咀嚙行詰  
盤口前截斷第二句綽虛頽我顏不欢乃知仙人未  
賢聖護短憑愚邀我敬我寧屈曲自世間安能從汝  
巢神山公南遷因論佛骨忤憲宗意然丞相度及貴  
戚皆論救此詩所謂我寧屈曲自世間安能從汝巢

神山可見宗閔怙權植黨公岨強不屈意赤藤杖歌  
云赤藤為杖世未窺臺郎始攜自滇池滇王掃宮邀  
使者跪進再拜語嗚咄繩橋柱過免傾墮性命造次  
蒙扶持途經百國皆莫識君臣聚觀逐旌麾共傳滇  
神出水獻赤龍拔鬚血淋漓又云羲和操火鞭暝到  
西極睡所遺幾重包裹自題署不以珍怪誇荒夷歸  
來捧贈同舍子浮光照手欲把疑空堂晝眠倚牖戶  
飛電著壁披蛟螭玉川子月蝕詩一千六百七十一  
字韓公病其繁省去千餘字然題為效玉川子作退  
之豈效人體者謙辭也醉留東野云昔年因讀李白

杜甫詩長恨二人不相送吾與東野生並世如何復  
雖二子蹤東野不得官白首誇龍鍾韓子稍姦黠自  
慙青蒿倚長松低頭拜東野願得終始如驅蛩東野  
不迴頭有如寸筵撞鉅鍾吾願身為雲東野變為龍  
四方上下逐東野雖有離別無由逢藍閔示湘云一  
封朝奏九重天夕貶潮陽路八千欲為聖朝除弊事  
豈將衰朽惜殘年雲橫秦嶺家何在雪擁藍閔馬不  
前知汝遠來應有意好收吾骨瘴江邊余常謂選古  
今詩先正惟韓歐曾范大儒惟周程張邵及近世朱  
張呂葉不可以詩論然諸老先生之集具存或未常

深考而細味之或畏其名盛而不敢輕下注脚自唐  
以來李杜之後便到韓柳韓詩沉著痛快可以配杜  
但以氣為之直截者多雋永者少白詩云退之服硫  
黃一病竟不痊按退之作李干墓誌力抵其服餌金  
丹之謬其卒北歸之役常以病滿百日求免官張籍  
祭詩具言其病有孺人侍藥之句初無服硫黃之說  
世傳公臨終呼諸僧語之云汝詳視吾手足無出外  
証人云韓愈病癩死公達生如此安肯服剛劑求活  
微之鍊秋石亦未詳所出

柳宗元五言云豈知千仞墜祇為一毫差又云引泉

剛故膏護藥挿新筓又海俗衣冠弁山夷髻不髻又  
危根一以振齊斧來相尋又靈壽木不知為何物以  
柳氏詩攷之云柔條乍反植勁節常對生猶龍足忘  
液稍奄步武輕安能事曹伐持用資徒行詠荆軻云  
千金奉短計匕首荆卿趨造端何其銳臨事竟趨趨  
慈父斷子首狂走無容軀夷城芟七族臺觀皆焚污  
始期慶患弭卒動災禍樞秦皇本詐力事與桓公殊  
奈何劾曹子齊謂勇且愚世傳故多謬太史徵無且  
詠荆軻者多矣此篇勇且愚之評與淵明惜玃劍術  
疎之語同一意脉陶柳詩率含蓄不盡韋使君黃溪

祈雨見召云驕陽愆歲事良牧念苗畝列騎低殘月  
鳴笳度碧虛稍窮樵客路遙駐野人居谷口寒流淨  
業祠古木疎焚香秋霧濕真玉曉光初貯纓巫言報  
精誠禮物餘惠風仍偃草靈兩舍隨車俟罪非真吏  
翻慚奉簡書宸詣超師院讀禪經云道人庭宇靜苔  
色連深竹日出霧露餘青松如膏沐贈江華長老云  
空室無侍者中屨唯挂壁又云風憲疎竹響露井寒  
松滴道傍孤松往來斫以為明好事者編竹成援感  
而賦詩云孤松亭翠蓋託根臨廣路不以險自防遂  
為明所誤幸逢仁惠意重此藩籬護尤有半心存時



將承雨露又田家云籬落隔煙火農談四隣夕庭際  
 秋蟲吟踈麻方寂歷蠶絲尽輸稅机杼空倚壁里胥  
 夜經過難忝事筵席各言官長峻文字多督責東鄉  
 後租期車轂陷泥澤公門少推恕鞭朴恣狼藉努力  
 慎經營肌膚真可惜又云古道饒蒺藜藜藿迴古城曲  
 蓼花被堤岸陂水寒更綠是時收穫竟落日多樵牧  
 風高榆柳踈霜重梨栗熟行人迷去住野鳥競棲宿  
 田翁笑相念昏黑慎原陸掩役夫張進骸云生死悠  
 悠尔一氣聚散之偶来紛喜怒奄忽已復辭為役孰  
 賤辱為貴非神奇一朝曠息定枯朽無妍媸生平勤

慎原陸下有  
 今年早田豐  
 飯鐘已罷二句  
 不應刪早一作少

皂櫪剡赫不告疲既死給輜積葬之東山基柰何值  
 崩湍蕩析臨路垂髡然暴百体散乱不復支送者幸  
 告余賸之涓然悲猫虎獲迎祭犬馬有盖帷佇立唁  
 尔魂豈復識此為春鍾載埋瘞溝瀆護其危我心得  
 所安不謂尔有知掩骼著春令兹焉適其時及物非  
 吾輩聊且頽尔私又南碣云秋氣集南碣獨遊亭午  
 時迴風一蕭瑟林影久參差始至若有得稍深遂忘  
 疲羈禽響幽谷寒藻舞淪漪去國魂已遊懷人淚空  
 垂孤生易為感失路少所宜索寞竟何事徘徊祗自  
 知誰為後來者當與此心期又簡吳武陵云理世固

輕士棄捐湘之湄陽光竟四溟敲石安所施鍛羽集  
枯幹低昂互鳴悲朔雲吐風寒寂慙窮秋時君子尚  
容與小人守執危慘悽日相視離憂坐自滋樽酒聊  
可酌放歌諒徒為惜無協律者窈眇絃吾詩七言云  
盛時一去貴反賤桃李萎扇安可常又漁翁夜傍西  
巖宿曉汲清湘燃楚竹煙銷日出不見人歎乃一聲  
山水綠嶺南江行云瘴江南去入雲煙望盡黃節是  
海邊山腹雨晴添象跡潭心日暖長蛟涎射工巧伺  
遊人影颺母偏驚旅客舡從此憂來非一事豈容華  
髮待流年柳州峒氓云郡城南下接通津異服殊音

不可親青箬裹鹽歸洞客綠荷包飯趁虛人鵝毛禦  
臘縫山罽雞骨占年拜水神哭呂衡州云衡岳新摧  
天柱峯士林顛顛泣相逢祇令文字傳青簡不使功  
名上景鍾三畝室留懸磬室九原尤寄若堂封遙想  
荊州人物論幾迴中夜惜元龍跋烏詞云城上日出  
群鳥飛鷓鴣爭赴朝陽枝刷毛伸翼和且樂尔獨落  
魄今何為無乃慕高近白日三足妬尔令尔疾無乃  
飢啼走路傍貪鮮攫肉人所傷翹肖獨足下叢薄口  
銜低枝始能躍還顧泥塗備蝼蟻仰看棟梁防燕雀  
左右六翮利如刀踊身失勢不得高支離無趾尤自

絕努力低飛逃後患韓柳齊名然柳乃本色詩人自  
淵明沒雅道幾熄當一世競作唐詩之時獨為古體  
以矯之未常學陶和陶集中五言九十數篇雜之陶  
集有未易辨者其幽微者可翫而味其感慨者可悲  
而泣也其七言五十六字尤工五七言絕句已別選  
退之作羅池廟碑云侯常語部曲歐陽翼等曰明年  
吾死死而為神後三年降于州之後堂歐陽翼等見  
而拜之又云生能澤其民死能驚動禍福之又云過  
客李儀醉酒慢海扶出即死恐非不語神怪之義王  
初寮詩云子厚文章百世師尋常稽首望羅池雷霆

不碎韓詩板醉侮何心怒李儀若為子厚分踈者  
劉禹錫八陣圖云会有知兵者臨流指是非寄嚴司  
空云歡謠開竹棧拜舞擲桑弓早發云寒樹鳥初動  
霜橋人未行早秋集賢院云蕙草香書殿槐花點御  
溝又云問卜安冥數看方理病源送客云神林社日  
鼓茅屋午時雞和微之云樞嘶無價馬庭發有名花  
又云昨宵鳳池客今日雀羅門又云興情逢酒在筋  
力上樓知又云遊魚將婢送野雉見媒驚又云殘兵  
疑鶴渡空壘辨烏聲詠史云霄生明王道衛綰工車  
戲同遇漢文時何人居貴位初至長安云每行經舊

處却想似前身不改南山色其餘事事新  
揆田歌云計吏語田夫長安真大處省門高  
軻峨僕入無度數昨來補衛士唯用筒竹布  
君看二三年我作官人去羅浮云夜宿最高  
峰瞻空浩無隣海黑天宇曠星辰未逼人是  
時當黜魄陰物恣騰振日光吐鯨背劍影  
開龍鱗候若萬馬馳旌旗澤滄淪又如廣樂  
奏金石含悲早疑其有巨靈怪物足未窺陰  
陽迭用事乃俾夜作晨咿喔天雞鳴扶桑色  
昕昕赤波千萬里踴出黃金輪下視生物息  
霏如隙中塵醯雞仰鬣口亦謂雲漢津世人  
信耳目方寸度大鈞安知視聽外怪愕

不可陳搗衣曲云爽砧應秋律繁杵含凄風  
一一遠相續家家音不同戶庭凝露清伴侶  
明月中長裾委襞積輕佩垂璉瓏汗餘衫更  
馥鈿移麝半空報寒驚邊鴈促思聞候蟲天  
狼正芒角虎落定相攻盈篋寄何處征人如  
轉蓬古散調詞云請得玄女符生當事邊時  
往來長楸間能帶隼韃馳崩騰天室未塵暗  
燕南垂燧火入咸陽詔徵神武師是時占軍  
募挿羽揚金羈萬夫列轅門覲射中戟支中宵  
倚長劍起視蚩尤旗陰風獵白草旗槩光參  
差曾擒白馬將虜騎不敢追貴臣上戰功名  
姓隨意移終歲肌骨苦他人印

纍纍謁者既清宮諸侯各罷戲上將賜北第門戟不  
可窺背血下沾襟天高問無期却尋故鄉路狐影空  
相隨遊桃源云姹女飛丹砂青童護金液宝氣浮鼎  
耳神光生劍脊春望云田中牧豎燒芻狗陌上行人  
看石麟澧州云梅蘂覆階鈴閣煥雪峯當戶戟枝寒  
水亭避暑云琥珀瓊烘疑漏酒水精簾瑩更通風碁  
云馬行布陣衆未曉虎穴得子人皆驚送僧云猿猱  
窺齋林葉動蛟龍聞吼浪花低寄令狐相公云少有一  
身兼將相更能四面占文章與歌者米嘉榮云近  
來時世輕先輩好染髭鬚事後生江陵道中云行到

南朝征戰地古來名將尽為神又云粘裘君長迎風  
惧錦領首豪蹋雪衙又云離別苦多相見少一生心  
事在書題又云隔簾惟見中庭草一樹山榴依舊開  
又云階蟻相逢如偶語園蜂急去恐違程荆門道懷  
古云南國山川舊帝畿宋臺梁館尚依倚馬嘶古樹  
行人歌麥秀空城澤雉飛風吹落葉填宮井火入荒  
陵化室衣徒使詞臣庾開府咸陽終日苦思歸平齊  
行云開元皇帝東封時百神受職羊奔馳千鈞猛簾  
順流下洪波涵淡浮熊羆侍臣燕公秉文筆玉檢告  
天無愧詞當今叡孫承聖祖岳神望幸河宗舞青門

大道屬車塵共侍歲筵翠華舉牆陰歌云白日左右  
浮天潢朝暉影入東西牆昔為兒童在陰戲當時意  
小奄日長東鄰侯家吹笙簧隨促促移象牀西隣田  
舍乏糟糠就影汲汲春黃梁因思九州四海外家家  
只占牆陰內莫言牆陰數尺間老卻主人如等閑西  
塞山云西晉樓船下益州金陵王氣漠然收千尋鉄  
鎖沈江底一片降幡出石頭夢得德宗朝已為郎官  
御史坐佐文黨久斥于外晚與樂天皆為午橋賓客  
累官至侍從然八十餘矣既失微之有五言云併失  
鴛鴦侶空餘麋鹿身只應嵩少下長作獨遊人

杜牧五言云韓彭不再生英雄皆為鬼又云少陵艱  
海動翰苑鶴天寒又云大熱去酷吏清風來故人又  
云微雨池塘見好風襟袖知又云圓疑竊龍頰色已  
奪鷄冠又云青漢龍髯絕蒼山馬鬣悲又云微雨秋  
栽竹孤燈夜讀書又云蓬蒿三畝居寬于一天下又  
云自嫌如足素刀尺不由身又云誰知病太守尤詩  
作茶仙又云四百年炎漢三十代宗周二三里遺堵  
八九所高丘又云偃蹇松公老森嚴竹陣齊小蓮娃  
欲語幽筍稚相攜杜秋娘云京江水清滑生女白如  
脂其間杜秋者不勞朱粉施老滷即山鑄後庭千蛾

眉秋待玉罈醉與唱金縷衣淖既白首叛秋亦紅淚  
滋吳江落日渡灞岸綠楊垂聯裾見天子倩眄獨依  
依椒壁懸錦幕鏡奩蟠蛟螭伍鬢認新寵窈窕復融  
怡月上白壁門桂影涼參差金階露新重闌檢紫簾  
吹葦管夾城路南苑鴈初飛紅粉羽林仗獨賜僻邪  
旗歸來煮豹胎饜飲不能飽咸池昇日慶銅雀分香  
悲雷音後車遠事往落花時燕襟得皇子壯髮綠縷  
綏画堂授傳姆天人親捧持虎睛珠絡襪金盤犀鎮  
帷長揚射熊羆武帳弄啞吽漸拋竹馬劇稍出舞雞  
竒嶄嶄整冠佩侍宴坐瑤池眉宇儼圖画神秀射朝

桐偶人江充知自欺王幽茅土削秋放故鄉

瓜稜拂斗極迴首尚遲遲四朝三十載似夢復疑

過閔識故吏髮已如絲却嘆吳江渡舟人那得

知歸來四隣改茂苑草菲菲清血洒不尽仰天知問

誰裁衣一足素夜借隣人机我昨金陵過聞之為歎

自古皆一貫变化安能推夏姬滅兩國逃作巫臣

妻西子卞姑蘇一舸逐鷓夷織室魏豹停作漢太平

墓悞置代籍中兩朝尊母儀光武紹高祖本係生唐

兒珊瑚破高齊作婢春黃縠蕭后去揚州突厥為闕

氏女子固不定士林亦難期射鉤後呼父釣翁王者

師無國要孟子有人毀仲尼秦因逐客令柄歸丞相  
斯安知魏齊首見斷箚中屍給喪屨張葦廊廟冠  
危珥貂七葉貴何妨戎虜支蘇武却生返鄧通終死  
飢主張既難測翻覆亦其宜地尽有何物天外復何  
之措何為而提是何為而馳耳何為而聽日何為而  
窺已身不自曉此外何思惟因傾一樽酒題作杜秋  
詩愁來獨長詠聊可以自貽杜秋娘詩蕭后去揚州突  
厥為闕氏按唐書蕭后國破沒於甯建德突厥處羅  
可汗遣使招之建德不敢留遂入于虜庭正觀四年  
太宗滅突厥以禮迎后至京師既入虜庭則為闕氏  
必矣寄小姪阿宜云小姪名阿宜未得

圓筋骨緊兩臉明且光去年學官人竹馬遶四廊  
揮羣兒輩意氣何堅剛去歲冬至日拜我立我傍祝  
尔願尔貴仍且壽命長今年我江外今日生一陽憶  
尔不可見祝尔傾一觴陽德比君子初生至微茫排  
陰出九地萬物隨開張一似小兒學日就復月將勤  
勤不自已二十能文章我家公相家劍佩常玳瑁府  
第開朱門長安城中夫第中無一物萬卷書滿堂家  
集二百編上下馳皇王多是撫州寓今未五紀強尚  
可與尔請助尔為賢良經書刮根本史書閱興亡高



摘屈宋艷濃薰班馬香李杜泛浩浩韓柳摩蒼蒼近  
者四君子與古爭強梁願尔一祝後讀書日日忙一  
日讀十紙一月讀一箱朝廷用文治大開官職場願  
尔出門去取官如驅羊大明帝宮闕杜曲我池塘我  
若自潦倒看汝爭翱翔少年行云官為駿馬監職帥  
羽林兒兩綬歲不見落花何處期獵鼓白玉鐙怒袖  
紫金槌田實長留醉蘇辛曲讓岐豪持出塞節笑別  
遠山眉捷報雲臺賀公卿拜壽危七言云南朝四百  
八十寺多少樓臺煙雨中又云蕭條市邑如 尾早  
晚干戈識虎皮又云四海一家無一事將軍喘

霜毛又云九原可作吾誰與師友瑯琊那曼容又云  
秋山春雨閑吟處倚遍江南寺寺樓又云杜詩韓筆  
愁來讀似倩麻姑癢處爬又云商女不知亡國恨隔  
江尤唱後庭花又云自說江湖不歸事阻風中酒過  
年年又云公道世間惟白髮貴人頭上不曾饒班竹  
箒云分明知道湘妃泣何恁將身卧淚痕又云無端  
有寄閑消息背插金釵笑向人宮人塚云少年入內  
教歌舞不識君王到死時別家云初歲嬌兒未識爺  
別爺不拜手叱叉拊頭一別三千里何日迎門却到  
家贈獵射云已落隼鷓血尚新鳴鞭走馬入翻身憑

君莫射南來鴈恐有家書寄遠人河湟云元載相公  
曾借節憲宗皇帝亦留神旋見衣冠就東市忽遺弓  
劍不西巡牧羊駟馬雖戎服白髮丹心盡漢臣惟有  
涼州歌舞曲流傳天下樂聞人絕句云玉子紋楸一  
路饒最宜簷雨竹蕭蕭得年七十更萬日與子期于  
局上銷故洛城云銅黨豈能留漢鼎清談空解識胡  
兒午燒萬戰坤靈死慘慘終年烏雀悲九日齊山登  
高云江涵秋影鴈初飛與客携壺上翠微塵世難逢  
開口笑菊花須插滿頭歸但將醕酌酬嘉節不用登  
臨恨落暉古往今來只如此牛山何必更沾衣橫江

館云孫家兄弟晉龍驤馳騁功名業帝王至竟江山  
誰是主苔磯空屬釣魚郎又云鏡中絲髮悲未易  
上塵痕拂漸難惆悵江湖釣竿手却遮西

牧之對<sub>東</sub>貴盛文章獨步一時其詩机鋒湊泊如  
山臨濟棒喝少時不羈有書記平安之謗

尤有綠葉成陰子滿枝之恨若未忘情于色界者晚  
節自誌其墓與臺卿自誌淵明自挽何異非世之怖  
死但化者所可及也頃見考亭常以行草書齊山九  
日之章乃知文公亦愛其才

後村集卷之五十五

詩話

白居易原上草云野火燒不盡春風吹又生清明云  
留餽和冷粥出火煮新茶扇云引秋生手裏歲月入  
懷中太湖石云峯駢仙掌出罅坼劍門開又云常恐  
國史上但記鳳與麟又云昨日延英對今日崖州去  
又云所恨薄命身嫁遲別日迫又云為君一日恩悞  
妾百年身又云我無縮地術君非馭風仙又云行年  
三十九歲暮日斜時讀靈運詩大必籠天海細不遺  
草樹又云未得無生心白頭亦為夫又云戀月夜同

宿愛山晴共看江州云野水多于地人煙半在舡又  
云老色日上面歡悰時去心今既不如昔後當不如  
今又云欲識往來頻青蕪成白路又云笑功過新酒  
閑吟短李詩又云犬吠村胥閑蟬鳴織婦忙又云成  
人男作州事鬼女為巫又云吏徵魚戶稅人納火田  
租又曰醉曾衝宰相驕不揖金吾又云散吏閑如客  
貧州冷似村又云憂方知酒聖貧始覓錢神又云鷄  
鳴一甕睡不博早朝人又云戶大嫌甜酒才高笑小  
詩又云性灵閑似鶴顏狀古于松又云若不為松喬  
即須作臯夔又云微月初三夜新蟬第一聲又云病

聞和藥氣渴聽碾茶聲又云小巢織巧婦新葉長慈  
姑又云玉柄鶴翎扇銀鬕雲母漿又云秋風滿衫淚  
泉下故人多又云佛容為弟子天許作閑人又云闌  
閑僧尚闌較瘦鶴為肥又云不能留姪女爭免作衰  
翁又云婢能尋本草犬不吠醫人又云同時六學士  
五相一漁翁又云園葵烹佐飯林葉掃添薪又云有  
一燕趙士言貌甚奇瓌日日酒家去脫衣典數盃  
君何落拓云僕生草萊地寒命且薄君門乏良媒亦  
有同門生先升青雲梯貴賤交道絕未門叩不開及  
歸種黍黍三歲旱為災入山燒黃白一旦化為灰處

處去不待却歸酒中未淵明云夷齊各一身窮餓未  
為難先生有五男與之同飢寒又云三年典郡歸所  
得非金帛天竺石兩片華亭鶴一隻遂就無塵坊仍  
求有水宅豈獨為身謀安吾鶴與石又云崇名與壯  
齒相避如朝暮時命始欲耒年顏色先去又云泥壇  
方合矩鑄鼎圓中規鑪燹一以動瑞氣紅輝輝二物  
正訢合厥狀何恠奇綢繆夫婦体狎獵魚龍姿又云  
試問池臺主多為將相官終身不曾到唯展宅圖看  
又云昔作少學士圖形入集賢今為老居士馮貺寄  
香山鶴龜變玄髮雞膚換朱顏前形與後貌相去三

二十年七言云一叢暗淡將何比淺碧籠裙襯紫巾又  
云藥圃茶園為產業野廩林鶴是交遊又云失寵故  
姬歸院夜沒蕃老將上樓時照他幾許人腸斷玉兔  
銀蟾遠不知月云曾犯龍鱗容不死欲騎鶴背覓長  
生又云每被老元偷格律苦教短李伏歌行又云尤  
嫌小戶長先醒不待多時住醉鄉又云洛陽女兒面  
似花河南大尹頭如雪又云琴書何必求玉粲與女  
尤勝與外人又云綺羅二八圍室榻組練三千夾將  
玆又云爭得大裘長萬丈與君都蓋洛陽城又云大  
有高門鏤空宅主人到老不曾歸又云病添莊鷓吟

後村集 卷五十五  
聲苦貧久韓康藥債多又云拓枝紫袖教丸藥羯鼓  
蒼頭遣種蔬又云直應人世無風月始是心中忘却  
時又云冷落若為留客住冰池霜竹雪髯翁又云漢  
容黃綺為逋客竟放策由作外臣哭劉夢得云盃酒  
英雄君與操文章微婉我知丘賢豪雖歿精爽在應  
共微之地下遊又云螭螟殺敵巢上蠻觸交爭蝸  
角中應似諸天覩下界一微塵內鬪英雄又云秦磨  
利刀斬李斯齊燒沸鼎烹酈其可憐黃綺入商洛閑  
臥白雲歛紫芝彼為菹醢机上尽此作鸞鳳天外飛  
去者逍遙未者死乃知禍福非天為又云禍福茫茫

不可期大都早退以先知當君白首同歸日是我青  
山獨往特願索素琴應不暇憶辛黃犬定難追麒麟  
作脯龜為醢何似泥中曳尾龜新豐折臂翁云新豐  
老翁八十八頭鬢眉鬚皆似雪玄孫扶向店前行左  
臂憑肩右臂折問翁臂折來幾年兼問致折何因緣  
翁云貫屬新豐縣生逢聖代無征戰慣聽梨園歌管  
聲不識旗槍與弓箭無何天室大徵兵戶有三丁点  
一丁点得駟將何處去五月萬里雲南行聞道雲南  
有瀘水椒花落時瘴烟起大軍徒涉水如湯未過十  
人二三死村南村北哭聲哀兒別爺娘夫別妻皆云

前後征蛮者千萬人行無一迴是時翁年二十四兵  
部牒中有名字夜深不敢使人知偷將大石鎚折臂  
張弓斃旗俱不堪泛茲始免征雲南骨碎筋傷非不  
苦且圖揀退歸鄉土臂折素來六十年一肢雖廢一  
身全至今風雨陰寒夜直到天明痛不眠痛不眠終  
不悔且喜老身今独在不然當時瀘水頭身死魂飛  
骨不收應作雲南望鄉鬼萬人塚上哭啾啾老人言  
君聽取君不聞開元宰相宋開府不賞边功防黷武  
又不聞天宝宰相楊忠欲求恩幸立边功边功未立  
生人怨請問新豐折臂翁八駿圖云穆王八駿天

馬駒後人愛之罵為圖日行萬里速如飛穆王獨乘  
何所之四荒八極踏欲遍三十二蹄無歇時屬車軸  
折迹不及黃屋草生素若遺瑤池西赴王母宴七廟  
經年不親薦壁臺南與盛姬遊明堂不復朝諸侯白  
雲黃竹歌聲動一人荒樂萬人愁至今此物世稱珍  
不知房星之精下為怪賣炭翁云賣炭翁伐薪燒炭  
南中山滿面塵灰烟火色兩鬢蒼蒼十指黑賣炭得  
錢何所營身上衣裳口中食可憐身上衣正单心憂  
炭賤願天寒夜未城外一尺雪曉駕炭車輾冰輾牛  
困人飢日已高市南門外泥中歇翩翩兩騎來是誰

黃衣使者白衫兒，手把文書口稱勅。迴車叱牛牽向北，一車炭千餘斤。官使駟將惜不得，半足紅紗一文綾。繫向牛頭充炭直，官牛官牛駕君車。漉水岸边般載沙，一石沙幾斤重。朝載暮載將何用，載向五門官道西。綠槐陰下鋪沙堤，昨未新拜右丞相。恐怕泥塗污馬蹄，右丞相馬蹄踏沙雖淨潔。牛領牽車欲流血，右丞相但能濟人。治國調陰陽，官牛領穿亦無妨。鹽商婦云：鹽商婦多金帛，不事田農與蠶績。南北東西不失家，風水為鄉舡作宅。本是揚州小家女，嫁得西江大商客。綠鬟富去金釵多，皓腕肥來銀釧

窄。前呼蒼頭後叱婢，問尔因何得如此。壻作鹽商十五年，不屬州縣屬天子。每鹽年利入官時，少入官家多入私。官家利薄私家厚，鹽鐵尚書遠不知。何況江頭魚米賤，紅艸黃橙香稻飯。飽食濃粧倚柂樓，兩朵紅腮花欲綻。鹽商婦有幸，嫁鹽商。終朝羨飲食，終歲羨衣裳。好衣美食有未處，亦洵慙愧桑弘羊。桑弘羊死已久，下獨漢時今亦有。

元稹榴花五言云：妾作金爐焰，飄或玉砌瑕。憲宗挽歌云：狼星如要射，尤有鼎湖弓。又云：俊鶻度海食應龍，昇天行。又云：漸恐鯨鯢覩，大波濤及九州。又云：新筍



後村集 卷之五  
一  
鵲屏株落梅翻蝶翅又云箏絃玉指調粉汗紅綃拭  
又云綠縷碧筠籜香杭白玉團又云佞存真妾婦諫  
死是男兒又云又魚江火合喚客谷神應又云花態  
繁于綺閣情軟似綿又云勁蔓螭足斷精貫虱心穿  
又云望夫身化石為伯首如蓬又云不知元不識俱  
作路人行又云乘我牂牁馬蒙茸大如羝又云亭亭巧  
子削一一大如拱榭杆矛戟合屹屹龍蛇動風朝竿  
籟過雨夜鬼神恐蜘蛛云縈纏傷竹栢吞噬及虫蛾  
為送佳人喜珠櫛無柰何小兒云亂騎殘爆竹茅唾  
小旋風罵雨愁妨走呵冰喜旋融估客樂云估客無

住着有利身即行一解市頭語便無鄉里情子本頻  
蕃息貨販日兼并求珠駕滄海採玉上荆衡北貫兜  
項馬西擒吐蕃鸚越婢脂肉滑妾僮眉眼明經遊天  
下徧却到長安城先問十常侍次求百公卿侯家與  
主第点缀無不精歸來始安坐富與王者勅大兒販  
材木巧識梁棟形小兒販鹽鹵不入州縣征一身偃  
市利突若截海鯨七言云他時定葬燒缸地膏與人  
家得酒盛又云初過寒時一百六店舍無烟室樹綠  
又云四五年前作拾遺諫書不密丞相知夢上天云  
未時畏有他人上截斷龍湖斬鴟翼越州云星河似

向警前落鼓角驚從地底迴我是玉皇香案吏謫居  
尤得住蓬萊夫遠征云趙卒四十萬盡為阮中鬼趙  
王未信趙母言尤兵新兵更填死阮中之鬼真在營  
壘麻戴經鵝馬鳴送夫之婦又行哭哭聲送死非送  
行夫遠征夫遠征遠征不必成長城出門便不知死  
生元白皆言大詩人余觀古作者必以艱深文淺近  
必以尖新華塵腐二公猶不然世傳其有賦詠元語  
多犯白固有偷格律之嘲白遇賦詠必使老嫗聞而  
曉解者兩長慶集部帙數倍韓柳其間大篇如連昌  
宮辭琵琶行之類不可勝書姑錄其尤警策者于編

元初與仇士良爭驛劫嚴厲苛斂忤時相意賴李絳  
崔羣論救其詩有佞存真妾婦諫死是男兒之句初  
節甚高及為學士有上眷中人爭與之交遂黨中人  
以沮裴度非復昔日之微之矣其辛甫五十三故白  
哀詩云因知早貴兼才子不得多時在世間白天資  
近道多稱人之善然當君白首同歸日我是青山獨  
往時之句不衰彼之寃而幸我之免文饒不存輩行  
不分雅俗但欲以浙西觀察臨蘇州刺史道眼覩之  
只堪一笑集中數絕余常疑好事者為之香山未必  
有此作也

李賀感賦云合浦無明珠龍洲無木奴足知造化力  
不給使君須越婦未織作吳蠶始蠕蠕縣官騎馬來  
獐色虬紫鬚懷中一方板板上數行書不因使君怒  
焉得詣尔廬越婦拜縣官桑牙今尚小會待春日晏  
絲車方擲掉越婦通言語小姑具黃梁縣官踏食去  
簿吏復登堂又云都門骨生墓青蠅久斷絕寒食搖  
揚天情景長肅殺皇漢十二帝唯帝稱睿哲一夕信  
豎兒文明永淪歎秦王飲酒云酒酣喝月使倒行沙  
路曲云帝前動笏移南山秋來云秋墳鬼唱鮑家詩  
恨血千年土中碧夢天云黃塵清水三山下更變千

年如走馬遙望齊州九点烟一泓海水杯中瀉秦宮  
詩云飛窓複道傳頭飲十夜銅盤膩燭黃又云斫桂  
燒金待曉筵白鹿清蘇夜半煮美人梳頭歌云雙鸞  
開鏡秋水光解鬟臨鏡立象牀一編香絲雲撒地玉  
釵落處無聲膩纖手却盤老鴉色翠滑寶釵簪不得  
又云背人不語向何處下堦自折櫻桃花鴈門太守  
行云黑雲墜城城欲摧甲光向月金鱗開角聲滿天  
秋色裏塞土燕脂凝夜紫半卷紅旗臨易水霜重鼓  
寒聲不起報君黃金臺上意提攜玉龍為君死金銅  
仙人辭漢歌云茂陵劉郎秋風客夜聞馬嘶曉無跡

西欄桂樹懸秋香三十六宮土花碧魏官牽車指千  
里東闕酸風射眸子空將漢月出宮門憶君清淚如  
鉉水衰蘭送客咸陽道天若有情天亦老攜盤獨出  
月荒涼渭城已遠波聲小呂將軍歌云呂將軍騎赤  
兔獨攜大胆出秦關金粟堆邊哭陵樹北方逆氣汚  
青天劍龍夜叫將軍閑將軍振袖揮劍鏑玉闕朱城  
有門閤榼榼銀龜搖白馬傳粉女郎火旗下恒山鈇  
騎請金槍遙聞箴中花箭香西郊寒蓬葉如刺皇天  
親裁養神驥廐中高枅排蹇蹄飽食青芻飲白水圓  
蒼低迷蓋張地九州人事皆如此苦篁調嘯引云請

說軒轅在時事伶倫採竹二十四伶倫採之自崑丘  
軒轅詔遣中分作十二伶倫以之正音律軒轅以之  
調元氣當時黃帝上天時二十三管咸相隨唯留一  
管人間吹無德不能得此管沉埋虞舜祠李憑  
箏篥引云吳絲蜀桐張高秋空白凝雲顏不流江娥  
啼竹素女愁李憑中國彈箏篥崑山玉碎鳳凰叫芙  
蓉泣露香蘭笑十二門前融冷光二十三絲動紫皇  
女媧鍊石補天處石破天驚逗秋雨夢入神山教神  
姬老魚跳波瘦蛟舞吳質不眠倚桂樹露脚斜飛濕  
兔長言歌行新意險語自有蒼生以來所無樊川一

後中集 卷之二十一  
極騷人墨客筆力盡古今文章變態非長吉不足以當之高軒過乃其總角時作所若宿構者然其母曰是兒欲嘔出心乃已知子莫若母豈非苦吟而得者歟唐雜記云賀性傲忽其詩為母中表投之溷中故傳于世者絕少悲夫使吾有中表如賀當濯薔薇水薰玉蕊香方敢開卷此中表豈鼻塞不知香臭者歟戴叔倫贈李山人唐云柳條將白髮相對共垂絲汝南別董校書云擾擾倦行役相逢陳蔡間何為百年內不見一人閒對酒惜餘景問程愁亂山秋風萬里至又出穆陵關贈康老人洽云一篇飛入九重門樂

府喧喧聞至尊宮中美人皆唱得七貴因云尽相識不脫弊裘輕錦綺長吟佳句掩笙歌賢王貴王子我厚駿馬蒼頭如已有暗將心事隔風塵尽擲年光逐杯酒青門幾度見春歸折柳尋花送落暉叔倫任至容筦觀察使半山選其詩凡四十七首五七言絕句已入選今摘出集中平淡可翫味者瀏亮切事情者趙南塘題天台戴式之詩彙云台嶺散仙人詩家小叔倫式之由此名重有石屏集南塘為選取若干首揚巨源獻聖壽云炉烟添柳重宮漏出花遲老将云功成封寵將力尽到貧鄉聖恩洗雪鎮州寄獻裴相

公云天借春光洗綠林戰塵收  
 見花陰好生本是  
 若王德恐死何妨壯士心  
 曾賀截雲翻柵遠仍聞  
 勳凍下營深井陘昨日  
 雙旗入蕭相無言淚濕襟  
此謂田布  
 知魏兵必叛楊公勇去之  
 節退之一序萬古不朽內  
 云國子司業楊公方以能詩  
 訓後進按夔以九德教  
 胄子周以德行道藝造士  
 未聞以能詩訓後進者唐  
 人或以一聯括終身之貴  
 然楊公可敬初不在詩丞  
 相愛惜不能留童子釣遊  
 不忍忘可以為人師矣世  
 傳楊公苦吟常掉其頭至  
 老雖未常吟而掉頭自若  
 所作尤律熟然其間忠憤  
 悲慨如聖恩洗雪鎮州寄

獻裴相之篇可補唐史之缺

皇甫冉張公洞五言云何時種桃核  
 幾度看桑田寄僧云一入春山裏  
 千峯不可尋長安路云結束趨平  
 樂聯翩抵狹斜温湯云丞相金錢賜  
 平陽玉輦過魯需求一謁無路獨如  
 何傷美人云專房獨見寵傾國  
 夜皆開宿嚴維宅送包七云歲儲無  
 別墅寒服羨鄰机出塞云以角出塞  
 門前瞻即胡地三軍尽回首皆  
 酒望鄉淚轉念関山長行看風景  
 異由来征戍客各負輕主義故齊  
 王贈承天皇帝挽歌云禮盛追崇日  
 人知友悌思舊居送代邸堦新入  
 文園鴻室仙書秘

龍旂帝服尊蒼蒼松裡月萬古此高原送魏十六還  
蘇州云秋夜深深北送君陰蟲切切不堪聞歸舟明  
日毗陵道迴首姑蘇是白雲

皇甫曾送人往荊州云帆影連三峽猿聲近四隣送  
李中丞云閩河三晉路賓送五原人兩皇甫詩昔常  
略評之補闕詩尤多御史所作絕少然亦多佳句

陸龜蒙五言云汀州歲晚弋雛落露寒春出戶手先  
筇見人頭未帽七言云終須揀取幽棲處老松進成  
便作門

皮日休旅舍除夜云挑燈尤故歲聽角已新年陪江  
西裴公遊襄州延慶寺云不着前驅驚野鳥唯將後  
乘載詩人襄州春遊云映柳認人多錯誤透花窺鳥  
最分明岑牟單綫何曾著莫道猖狂似禰衡過雲居  
院玄福上人舊居云重到雲居獨悄然隔窻窺影尚  
疑禪不逢野老來聽法尤見隣僧為引泉龕上已生  
新石耳壁間空帶舊茶烟南宗弟子時時到泣把山  
花真兒筮皮陸皆唐季詩客陸隱于皇里皮咸通八  
年登第二人素友善倡和尤多昔之和詩者和意而  
已惟皮陸必和韻有紫至百韻者皮有七愛詩為房  
杜李西平盧鴻元魯山李太白白居易七人而作以

嵩山處士魯山令次三大臣李翰林白少傅名位不  
輕列于處士縣令之下其高致卓識如此

杜荀鶴春宮怨云風暖鳥聲碎日高花影重經貫島  
墓云山根三尺墓人口教聯詩弔李翰林云誰移未  
陽冢來此作吟鄰感寓云海枯終見底人死不知心  
雪云江湖不見飛禽影崑谷唯聞折竹聲擁袍公子  
莫言冷中有樵夫跣足行哭目韜云交朋來哭我來  
歌喜傍山家葬薜蘿四海十年人殺盡似君埋少不  
埋多溪云山雨溪風卷釣絲瓦甌蓬底獨斟時醉來  
睡著無人喚流下前溪也不知題菴禪和云少見修

行詩似師茅堂佛像亦隨時禪衣袖後雲嵐線夏臘  
高來雪印眉耕地誠侵連塚土伐薪教護帶菓枝有  
時問著經中事却道山僧揔不知荀鶴詩在羅隱方  
于之下半山選唐詩只取四首其五言最多然失之  
容易七言差勝

李涉山中無柰何云無柰落葉何紛紛滿衰草疾來  
無氣力擁戶不能掃欲訪雲外人都迷上山道又無  
柰澗水何喧喧夜鳴石疎林透斜月散亂金光滴欲  
訪澗底人路窮潭水碧又無柰牧童何放牛吃我竹  
隔林呼不應叫笑如生鹿欲報田舍翁更深不歸屋



遊鶴林寺云野寺尋春花已遲背嵒唯有兩三枝平  
明携酒尤堪酌為報春風且莫吹涉詩見于半山詩  
選者三十餘首其絕句已別選古體三篇又鶴林一  
絕皆有意味存之以備一家

顏非熊送朴處士歸新羅云少年離本國今去已成翁  
客落孤舟裡鄉山積水東龍沉崩巨岸龍鬪出遙空  
學得中華語將歸誰與同非熊况之愛子况詩云老  
人喪愛子日暮泣成血老人年七十不作多時別非  
熊亦有詩名今存者僅百餘篇

朱慶餘上江州李史君云得在朝廷少還應諫諍多  
杭州送蕭校書云別君尤有淡學道漫經年慶餘粒  
糶低聲問夫婿画眉深淺入時無絕句為籍所稱然  
他作皆不如此

韓翃寄武陵李少府云楚歌催晚醉蠻語入新詩翃  
寒食絕句為德宗嘉獎擢知制誥有與翃同名者時  
相審之御批云日暮漢宮傳臘燭輕烟散入五侯家  
與此韓翃唐人尤重德宗詩有聞說德宗曾到此吟  
詩不見倚闌干之句又云曾唱正元供奉曲又朝宗  
濟為惡詩唐諸帝中當以帝詩為第一意翃所作皆  
善今集中警句可摘出者殊寂寥簡短恐有散軼者

巖維剛劉句外云柳塘春水慢花塢夕陽蓬維嘗與  
皇甫冉劉長卿唱和然前輩惟稱其柳塘花塢一聯  
曹送松方干云汲水疑山動枵帆奄岸行商山野叟  
云木弓未得長離手尤與官家射麝香南海旅治云  
南國正當無鴈處故園誰道有書來松詩半山選十  
句篇擇其三聯于此

劉希夷代白頭翁云年年歲歲花相似歲歲年年人  
不同又云此翁白頭真可憐伊昔紅顏羨少年希夷  
詩雖則天時人然格律漸有天竺以後之風矣

虛象雜詩云家居五原上征戰是平生獨負山西勇  
誰當塞上名死生遼海戰雨雪薊門行諸將封侯盡  
論功獨不成象詩入半山選者十首姑摘出其一  
鮑溶五言云豈惟親瘠散烏鼠移菓窠又云楚老幾  
代人種田煬帝宮零落池臺勢高低未忝中又云雪  
壯冰亦堅凍澗如平地幽人毛褐暖笑就糟牀醉喚  
人空谷應聞火寒猿至拾薪煑新粟看鼎古書字忽  
憶南湖僧衣巾多雲氣露脚尋逸人諮量意中事又  
云北風送微寒竹枝動遠程愛人席不暖殘月馬上  
明飄飄岐路問長見月初生重嶂曉色淺疎猿寒啼  
清感此長歎息百年何所營駙馬宅云閑遣青琴飛

小雲自看碧玉破甘瓜又云襄陽太守沉碑意身後  
身前幾年事湘江千歲未為陵水底魚龍應識字  
鮑防雜感云漢家海內承平久萬國戎王皆稽首天  
馬帝街首帶花胡人歲獻蒲萄酒五月荔枝初破顏  
朝離象郡夕函關鴈飛不到桂陽嶺馬走皆從林邑  
山甘泉御果垂仙閣日暮無人香自落遠物皆重近  
皆輕雖雖有德不如鶴館閣諸書經南豐序引者皆  
不刊之言鮑溶詩清約謹嚴遵理者少之評惟深于  
詩者知之世謂子固不能詩謬矣唐時有鮑防者亦  
有詩名唐文粹載二鮑詩防稍開拓今錄其雜感篇

于此

司空圖山中云川明虹照雨樹密鳥銜人又云坡暖  
冬生筍松涼夏健人又云夜短猿悲滅風和鵲喜虛  
又云孤螢出荒池落葉穿破屋雜言云鳥飛飛兔蹶  
蹶朝未暮去催時節女媧只解補青天不解煎膠黏  
日月唐自朱三跋扈以來黠者陰贊阿鼎之謀悖者  
明獻改物之說奉壘六臣皆喬木世臣子孫于時間  
闕亂世挺然自立不踐二姓之庭惟司空表聖韓致  
光二士而已致光大節為香奩所累不若表聖賦詠  
多雅人莊士之言舊有其集常摘數聯餘不能悉記

項斯送華陰隱者云世人空識面弟子莫知年欲別  
云歸則無歲月客路有風濤華陰道者云養龍于淺  
水寄鶴在高枝寄生夏僧云多因東帶熱更憶剃頭  
涼贈道者云自說身輕健今年教夢飛哭南流人云  
官庫空收劍蠻僧共起墳知名人尚少誰為錄遺文  
日東病僧云雲水絕歸路來時風送舡不言身後事  
元生病中禪深壁歲燈影室窻出艾烟已無鄉土信  
起塔寺門前舊宮人七言云自出先皇玉殿中衣裳  
不更染深紅宮釵折盡垂空髮內扇穿多減半風桃  
熟亦曾君手賜酒闌元候妾歌終如今還向城邊住

御水東流意不通斯詩在方干秦系之間少而工  
儲光羲野田黃雀云嘖嘖野田雀不知軀體微窮老  
一頓含粟多桑樹稀無粟尤可食無桑何以衣蕭條  
空會暮相引時來歸邪路豈不捷渚田豈不肥水長  
路且篋惻惻無心違

崔國輔對酒吟云行行日將夕荒村古塚無人跡蒙  
籠荆棘一鳥飛屢唱提壺沽酒吃古人不逢酒不足  
恨精爽傳此曲寄言世上諸少年平生且尽杯中綠  
楊衡哭李象云白雞黃犬不將來寂寞空餘葬時  
路草死花開年復年後人知是何人墓

李端贈康洽云同時獻賦人皆足共壁題詩君獨在  
予武陵過侯王故第云不知彈缺客何處感新恩  
劉商醉後口號云春草秋風老此身一瓢長醉任家  
貧醒來還愛浮萍草漂寄官河不屬人

羊士諤酬蕭使君出妓夜讌云玉顏紅燭忽驚春微  
步凌波拂暗塵自是當歌飲眉黛不應惆悵為行人  
余選晚唐家教詩既尽又雜取儲光羲崔國輔楊衡  
李端于武陵劉商羊士諤七人一聯半句以附益之  
七人非晚唐体

右前後續新四集詩話共十四卷前後集集

各二卷六十歲至七十歲間所

卷乃公告老歸後所作時年近八十新

六卷乃專採摘唐詩之警者咸淳戊辰

夏間也時年已八十二

後村集卷之五十五